

**ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱՆ ՄԵՄ ՀԱՅՐԵՆԱԿԱՆՈՒՄ
ՍՈՎԵՏԱԿԱՆ ԺՈՂՈՎՐԴԻ ՏԱՐԱՄ ՀԱՂԹԱՆԱԿԻ 30-ԱՄՅԱԿԻՆ**

1975 թ. ապրիլի 30-ին տեղի ունեցավ ՀՍՍՀ գիտությունների ակադեմիայի նախագահության և ՍՄԿԿ Կենտկոմին կից մարքսիզմ-լենինիզմի ինստիտուտի հայկական մասնաճյուղի դիտական նստաշրջանը՝ նվիրված Հայրենական մեծ պատերազմում սովետական ժողովրդի տարած յաասուլանի հաղթանակի 30-ամյակին։ Նստաշրջանը, որի աշխատանքներին մասնակցում էին գիտնականներ և պատերազմի վետերաններ, ներածական խոսքով բացեց ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը։ Նա ասաց, որ լենինյան կուսակցության իմաստուն ղեկավարության շնորհիվ ֆաշիզմի դեմ մեր ժողովրդի պայքարը պսակվեց մեծ հաղթանակով։ Այդ պայքարում հաղթեց մեր ժողովրդի անսահման հայրենասիրությունը, համախմբվածությունը, անկոտրում կամքը և հավատը պայծառ ապագայի նկատմամբ։

Վ. Հ. Համբարձումյանը նշեց, որ մեծ հաղթանակը շրադարձային կետ էր համայն մարդկության պատմության մեջ։ Պատերազմից հետո Սովետական Միությունը դադարեց աշխարհում փաստորեն միակ սոցիալիստական պետությունը լինելուց՝ ծնունդ առավ սոցիալիզմի համաշխարհային սիստեմը։ Ամրապնդվեց կոմունիստական և բանվորական շարժումն ամբողջ աշխարհում, փրկվեց զաղութային սիստեմը և բազմաթիվ ժողովուրդներ կանգնեցին ազգային ինքնուրույն դարդացման ուղու վրա։ Վերջում Վ. Հ. Համբարձումյանը շնչտեց, որ ՍՍՀՄ-ը այսօր ևս հանդիսանում է այն հիմնաքարը, որի վրա հենվում են ողջ առաջավոր մարդկությունը և սոցիալիզմի ուժերը։

«Հայրենական մեծ պատերազմում սովետական ժողովրդի տարած հաղթանակի պատմական նշանակությունը՝ զեկուցմամբ հանդես եկավ ՀՍՍՀ ԳԱ թղթակից-անդամ Գ. Ա. Գալոյանը։

Նա ասաց, որ Հայրենական մեծ պատերազմը մեր երկրի կյանքում ամենադժվարին փորձություններից մեկն էր, որից սովետական ժողովուրդը պատվով դուրս եկավ։ Դրանով իսկ նա պաշտպանեց ոչ միայն մեր հայրենիքի ազա-

տությունն ու անկախությունը, այլև հանգեցրեց ֆաշիզմի քաղաքական, գաղափարական և ռազմական կրախին ու ջախջախմանը։ Հայրենական մեծ պատերազմը պատմության մեջ նախադեպ չունեցող գոտեմարտ էր ոչ թե երկու պետությունների, այլ իմպերիալիզմի առավել ուժեղ ու ագրեսիվ ուժերի և սոցիալիզմի միջև։ Նրա ելքից էր կախված ինչպես սովետական ժողովրդի ու սոցիալիզմի ճակատագիրը, այնպես էլ համաշխարհային քաղաքակրթության հետագա զարգացման ուղիների հարցը։

Սովետական ժողովրդի հաղթանակի կազմակերպիչն ու ռեզնչողը փառապանծ լենինյան կոմունիստական կուսակցությունն է, որի ղեկավարությանը թիկունքն ու ճակատը վերածվեցին ռազմական միասնական ճամբարի։

Այնուհետև զեկուցողը հանգամանորեն խոսեց Հայրենական մեծ պատերազմում մեր ժողովրդի տարած հաղթանակի աղբյուրների, արդի միջազգային լարվածության թուլացման, առաջադիմության, սոցիալիզմի ու դեմոկրատիայի ուժերի ամրապնդման գործում մեծ հաղթանակի ունեցած նշանակության մասին։

Պատմական գիտությունների դոկտոր Վ. Ն. Ներկարյանի զեկուցման թեման էր «Հայ ժողովրդի մասնակցությունը Հայրենական մեծ պատերազմին»։ Նա ասաց, որ սովետական հայրենիքի պաշտպանության և հիտլերյան Գերմանիայի ջախջախման գործում սովետական մյուս հանրապետությունների հետ իր արժանի ավանդըն է ներդրել նաև Սովետական Հայաստանը։ Պատերազմին մասնակցեցին հայ ժողովրդի 500 հազար զավակներ։ Հայկական ազգային գիվիդիաները փայլուն էջեր գրեցին մեծ հայրենականի տարեգրության մեջ։ Բազմաթիվ հայորդիներ ֆաշիզմի դեմ պայքարում էին պարտիզանական ջոկատներում և դիմադրական այլ կազմակերպություններում։

Ամբողջ պատերազմի ընթացքում Սովետական Հայաստանը եղբայրական մյուս հանրապետությունների հետ ամեն ինչ անում էր ռազ-

մանակատ նոր համալրումներ, զենք ու հանդերձանք և մթերքներ ուղարկելու համար: Պատերազմի տարիներին Հայաստանում թողարկվում էր մոտ 300 տեսակի սաղմական արտադրանք: Հայ ժողովուրդը Սովետական Միության ամեն մի թիղ հողը համարել է Հայաստանի հողի անրաժանելի մասը, նրա ազատության մեջ

տեսել իր հանրապետության պաշտպանության միակ երաշխիքը: Այդպես են մտածել նաև սովետական մյուս ժողովուրդները, և հենց դա է մեծ հաղթանակի կարևոր նախապայմաններից մեկը:

Նստաշրջանում եղրափական խոսք ասաց Վ. Ն. Համբարձումյանը: